

中陰救度密法

中陰救度密法

吳佩孚題



白普仁喇嘛特傳六字大明簡法

由金光明法會
特刊摘要敬錄

(一)

普通念誦

此呪神妙殊勝。非可言喻。無論男女老幼。富貴貧賤。皆可念

誦。愈多愈妙。以滿十萬遍爲最小限度。每次至少一百零八遍。行住坐臥皆可。須身心清淨。忌葱蒜葷腥等。又應發菩提心。大悲心。至誠皈依觀世音菩薩。心緣一境。不可散亂。久久行之。禍亂悉免。祈求無不如意。

(緣)

眞言觀想

觀想藏文眞言字。喻字白色。嘛字紅色。呢字黃色。唄字緣色。

咪字藍灰色。吽字黑色。各各放光。分照六道衆生。所有一切罪苦。皆悉清淨消滅。如不能分觀各色。統觀白色亦可。密教主旨。須三密相應。身體清淨。身密也。口念眞言。語密也。觀想眞言。意密也。行之日久。自然相應。如不能如上作觀。普通念誦亦可。

(三)

表法奧義

喻表天道。嘛表阿修羅道。呢表人道。唄表畜生道。咪表餓鬼

道。吽表地獄道。念此六字大明。卽能斷輪迴。出三界。證聖果。此六凡表法奧義也。又喻字由菩提心發生。初入十信位。由是增進。嘛字入十住位。呢字入十行

位。唎字入十回向位。咪字入十地位。吽字入金剛乘。至大覺位。故念此六字。即能超十地。成無上正等正覺。此四聖表法奧義也。此真言經文博大。奧義極多。此不過略舉一二。使行者明其妙用。功效。增長信心耳。

(四) 救災祈福。於所居之處。房屋宅院。分爲東南西北中五方。每方高頂。樹

旂一面。約七寸方形。上書此咒。

東方白旗。持國天王鎮護也。南方黃旗。增長天王鎮護也。西方紅旗。廣目天王鎮護也。北方綠旗。多聞

天王鎮護也。中央藍旗。二

十八宿及諸星宿天鎮護也。如此鎮護旂幟。受風飄動。發揚咒力。自得諸天護持。

護福無量。

(五) 消除疾病。凡疾病。皆前世種罪爲因。現前四大失調爲緣。因緣湊合。而

成疾病。如能誠心誦持六字大明神咒。不另服藥。亦能見愈。且可漸令脫離輪迴之苦。如不斷病因。維令目前用藥治愈。日後亦難免復發。是故有病者持六字大明。則病可愈。無病者持之。則病不生。蓋此六字大明神咒。能救世人一切病因。誠離苦得樂之無上良方也。

(蓮菩提敬勸學佛者。於『大乘莊嚴寶王經』。應請備常讀。則自知其上妙矣。)



我佛說法四十九年。只爲一大事因緣。何爲大事。了解生死之謂也。阿彌陀經有云。若有善男子。善女人。聞說阿彌陀佛。執持名號。若一日。若二日。若三日。若四日。若五日。若六日。若七日。一心不亂。其人臨命終時。阿彌陀佛與諸聖衆。現在其前。是人終時。心不顛倒。卽得往生阿彌陀佛極樂國土。謹按經中要旨。謂人以自己制心之力。與殊勝之他力。相依爲用。能使此人臨命終時。心不顛倒。一心不亂。卽得往生極樂國土。今之世人。好治科學。而不知以治科學之法。則研究人生唯識變現之理。識無天堂。卽無天堂。識無地獄。卽無地獄。若不澈底了悟。則明知其無。而識所變現。又依然是有。世人旣知生不帶來。死不帶去。然而坐對美人。夜贈黃金。又徘徊而不忍去。卽所謂看得破。跳不過。如治理學者。見獵心喜。此卽是心顛倒。亦卽是改過之不力也。世人動輒曰。我未嘗害人。我亦無罪過。豈知春秋有誅意之筆。人生不能明理。不免有顛倒見。卽是過惡。已經明理。而忍俊不禁。明知故犯。罪過更大。何得曰我無罪過也。世人果能信此。

言。則於懺悔必力。則於認理必真。認理真。悔過切。則天君泰然。毫無罣礙。此人卽不念佛憶佛。而一日三時。常游心於極樂國土中。不問其爲孔子之不惑。孟子之不動心。抑卽阿彌陀經之一心不亂也。孔子曰。丘之禱久矣。是猶言丘之一心不亂。亦已久矣。此尤爲聖賢切己功夫。可作後人之明效大驗者也。季路問死。子曰。未知生。焉知死。佛家則曰。流浪生死。言生生死死。迄無了期也。莊子言視生死爲一條。皆以死生之理不二。但人之肉體。有代謝耳。吾人旣知經義。皆足以明生死之理。然後知此篇中陰救度密法。乃未曾學道。未曾聞道之人。了解生死。立地成佛之妙法。卽已學道。已聞道之人。再讀此文。而益堅其信念。古之生也直。蓋亦言其不愧不作云耳。此於中陰之了悟。理亦宜然。至於法寶而出於西方之西。誠是世間絕無僅有之勝緣。亟爲加印千本。以廣流傳。並望四方善信。多印多送。俾期多印一本。卽多一人之安隱。是則我願之無盡也夫。

己卯年三月初七日吳佩孚序

中陰救度密法序

人之所必不可知者。惟死而已。人之所必欲知者。亦惟死而已。是故飢之苦。知救之以食矣。寒之苦。知救之以衣矣。而死之苦。則無得而救之。豈不以情狀不得而見。音聲不得而聞歟。中陰救度密法。秘宗之至寶。救死之津梁也。於人之初死。以迄轉生。一一述其經過。示其境界。是人之所必欲知而終不可知者。竟得而周知之矣。雖然。固知之仍無得而救之。是猶知飢之苦而無食。知寒之苦而無衣。其爲知也。亦奚益哉。於是又反復而誘掖之。自未死即以種種法救其解脫。逮既死則又證其聞見。告其違從。一日不悟則二日。二日不悟則三日。以至十有四日而猶未悟者。則示以閉息胎門之法。仍未能。更教以揀擇轉生之地。是何異飢者代食之食。寒者代衣之衣乎。此經爲中土所無。近由張居士蓮菩提重譯來華。吾友張君栩人。擬集資重刻。以廣其傳。因而問序於余。夫密法廣奧。何敢妄議。爰綴數語於簡端。亦歡喜贊歎之意耳。序云乎哉。

己卯三月合肥王揖唐沐手謹序

重印中陰救度密法

敬告讀者

向聞藏經中有蓮花生大師中陰救度法 爲開示中陰最精詳之法寶 恨無譯本可讀 前歲鄂中同學函告此書有英文本 已由張妙定居士轉譯印行 求之仍未獲 去歲忽見于友人處 借讀一過 擊節三歎 如獲至寶 似飲醍醐 希世妙法 歎未曾有 恨無廣長舌徧覆三千大千世界 稱贊此經不可思議之功德 遂發願重印 旋得弘慈老人與張价儒李布翹何叔良等諸居士之極力提倡 各功德主之樂予捐助 斯事遂底于成 誠至堪感謝慶幸者也 惟當徵求功德主之際 耳目所接觸 有待宣說而後明者 茲故爲之條舉論釋 以申述本書之殊勝 藉答詢問而利流通 諸有智者 幸匡不逮

一 本書所說 卽我佛世尊 正法眼藏 實相無相之微妙法門 爲宗
門諸祖不肯輕傳之無上心印 有緣遇此 福緣甚大 應深生慶幸 香
花供養 此書所在 必有護法神護衛 恭敬獲福 慢瀆滋咎 幸留意
焉

二 無論顯密諸法 必經師傳而後得法 此原則也 故遇此書者 卽
應敦請曾得此法之金剛阿闍黎傳授 必能得大加被 于法自在 若一
時因緣不湊 則于每誦讀時 至誠恭敬 觀想大悲觀自在菩薩 卽我
上師 現住我頂上或面前空中 爲我說此法 我隨之念誦 亦可得加
被 而免盜法之愆 以此法純係大悲之所流露 大悲聖者廣大靈感
無時無刹不現身 恒能尋聲應念而至故 但以後遇緣 仍應補請傳授
更爲如法

三 自己縱未得此法之承傳 但遇親友或死亡時 應見義勇爲 毅然

爲之明郎誦讀 以此法具不可思議之功用 一歷亡者耳根 立即能得解脫故 本書于此曾開特別方便 不論已學未學皆可誦讀 如原文『最好能將傳授彼密法之金剛上師請來 否則請其金剛弟兄到來 倘此均未能辦到 則請其信行相同 而有學識之至交或眷屬伴侶亦可如並此之人等亦無 則但覓一能讀此法之文字者 照書向彼耳際了了讀誦之 于是彼垂死之人 一經入于耳識 未有不得解脫者』（見上卷11至21頁）云云 夫以但能讀此法之文字者 即可爲垂亡者照書讀誦 自可破未得法不能開示之疑矣

四 此法雖爲無上密要 卻可公開宣演 聽者不揀五逆十惡 不似其他密法 非器莫傳 卽傳亦密藏不露 乃至並名字亦不令他人得知也 本書著者跋述 謂『此法名曰從聞得度 雖在五無間大惡業之人一經聞在耳識 亦得超度 故此法寶 應常于大眾中宣讀之解說之

縱令一次入于某人耳識 卽彼一時或未深思 當其死入中陰 亦能憶

及 因人于中陰界中之記憶力九倍生時之強故（見上卷末7879頁）

云云 據此 卽知此法爲人人應聽之妙法 五逆十惡之人 且能聞

而得度 更向何人秘密 既應常于大衆中宣讀解說 此書卽宜人手一

部 有人懷疑此係密法 不宜公開流通者 閱此文應恍然悟矣 且密

法亦分種種 若非器聞之而下墮 密之宜也 若有聞獲益 何不可公

開之有乎 我佛應機說法 時而遮過患 雖顯教容不聽非人閱覽 如此丘戒

時而彰功能 雖密乘亦或許大衆聽聞 無往非利生方便 豈可執此以

非彼乎 夫以漫不經意 一次耳聞之力 死入中陰 猶能記憶 設若

有人肯發心爲中陰誦讀此妙法一百遍 則以此誦誦之功德 不但當時

能度中陰 他日讀者臨終時 定能仗此百遍誦誦之善根發現 自力亦

能自度 何以故 以中陰記憶力强于生人九倍 妙法百遍之薰習力

定能顯殊勝之奇功故 不特此也 設若讀誦者爲上根利智之人 則卽彼反復讀誦之際 一念相應 立悟無生 轉凡爲聖 卽身成就 存沒俱度 自他兼利 妙法不可思議之功德 豈言說所能盡述哉

五 集造本書之喇嘛 未露姓名 亦功成而不居之聖者 據美人伊文思溫慈博士叙入原書緒論中所云 『藏方固有喇嘛成就者 以定力驗得七七中陰境界 而後愈努力于本法之宏揚』 豈卽其人耶 惟有人謂此爲紅教之著述 非學黃教者所宜宏揚 此雖似尊重本宗之言 然究非大公至正之說 我輩學佛 應以眞理爲權衡 豈可卽人我判是非 使其言而合於眞理也 雖芻蕘之言 聖人猶將採焉 况爲大成就者蓮花生大師之遺教耶 試卽本書爲臨終者反復闡明之體合實相光明觀 卽文佛所示之正法眼藏也 爲中陰諄諄教誡之閉胎擇胎入胎等五步妙法 皆諸佛不捨一衆生之大悲方便也 夫正見與大悲菩提心 非宗

喀巴大師始終勸人欲成佛必學之要道耶 此書何處有一點與宗喀巴之教相違哉 故讀此書一徧 而不贊嘆慶幸者 無目者也 但聞他人言係紅教之書 而拒之千里之外者 以耳代目也 不聞黃教所傳有數種密法 其源多由紅教而來乎 乃上至達賴班禪諸國師 次及堪布喇嘛多奉爲本尊而終身修之 豈以其來自紅教而捨棄之耶 是知黃教於紅教之論著 非囫圇吞棗 一切採納 亦非不分皂白 一概吐棄 不過取精選粹 去駁揀雜 於其散漫者 整飭條理而組成系統 於其蠟等等者 分別淺深而規定次第 見其輕視毘尼 呵戒爲小者 復依別解脫爲根本 闡明小大密三戒開遮持犯之分際 一一納諸軌範而已 豈能盡棄其舊而憑空建立哉 聞通藏文者言 黃教亦有此法之著述 是紅教此法已經黃教大德之印可而選述 有目同賞 益證此書價值之重要矣 後來居上 彼著之構造 不更精嚴而完備耶 惟盼大心譯師

速將彼著由文藏直接譯出以資印證 更爲吾人所馨香祝禱者矣

無上甚深微妙法 百千萬劫難遭遇
我今見聞得受持 應深敬信大慶幸
悟解如來真實義 復爲中陰廣開演
是卽眞實度衆生 非此莫能報佛恩

己卯仲春慚愧行者謹識於燕都

重刊中陰救度密法之補充語七則

凡人之根性不同。習氣不同。修養不同。其識神所變現之境界。自然各各殊致。如人之面。無一同者。須知此本祇作爲普通之原則。不容泥視也。

中陰所見喜悅忿怒兩部佛光。此是已知密教修習之人。故能幻化與儀軌相合之面貌若未聞佛法者。雖所見大別有喜怒之分。而形色必不如是。

學人之禪定工夫。尙未至一心不亂。讀書人尙未在不動心上。與克己復禮上。切實用功者。無論其生前爲人何等精明。臨命終時。精神受此激烈打擊。則其中陰自必神識不定。發現種種幻相。此時如本有智力。與修得定力。足以勝之。則幻相不能爲害。否則受其牽引與否。正未可知。

篇中言中陰所見之曼荼羅種種現象。完全爲平日誦經作觀所體會者。而屆時之神識與之相應。若爲不聞佛法之人。又不解聖門道範者。則其所見。當只是平日喜怒情欲所有之現象。此等人純是習氣。臨時卽有善知識慈悲開示。